

სსიპ – ივანე ჯავახიშვილის სახელობის თბილისის სახელმწიფო უნივერსიტეტის ზუსტ და საბუნების-მეტყველო მეცნიერებათა ფაკულტეტზე ასოცირებული პროფესორის სამსახურში მისაღებად რექტორის 2026 წლის 10 ივნისის ბრძანება №146/01-01 საფუძველზე ბიოლოგიის დეპარტამენტზე, კათედრა - ადამიანისა და ცხოველთა ფიზიოლოგია - გამოცხადებული კონკურსის ჩატარების უზრუნველსაყოფად აკადემიური თანამდებობის დასაკავებლად შესარჩევი საკონკურსო და საკონკურსო-სააპელაციო კომისიების შემადგენლობების დამტკიცების შესახებ უნივერსიტეტის აკადემიური საბჭოს 2026 წლის 22 ივნისის დადგენილება N: 37/2026 - ის პუნქტი 2 -ის საფუძველზე დამტკიცებული კომისიის სხდომის

შემაჯამებელი ოქმი

ქ. თბილისი

„24“ ივლისი, 2026 წ.

17:00

სხდომას კომისიის 5 წევრიდან ესწრებოდა 4 წევრი:

1. პროფ. დიანა ძიძიგური (კომისიის თავმჯდომარე);
2. პროფ. ნანული დორეული (კომისიის თავმჯდომარის მოადგილე);
3. ასოც. პროფ. მანანა გორდეზიანი (კომისიის მდივანი);
4. პროფ. ნანა კოშორიძე;

დღის წესრიგი:

1. ივანე ჯავახიშვილის სახელობის თბილისის სახელმწიფო უნივერსიტეტის ზუსტ და საბუნებისმეტყველო მეცნიერებათა ფაკულტეტის ბიოლოგიის დეპარტამენტზე, კათედრა ადამიანისა და ცხოველთა ფიზიოლოგია ასოცირებული პროფესორის ვაკანსიაზე გამოცხადებული კონკურსის ჩატარების შედეგების შეჯამება.
2. კონკურსის შედეგების ამსახველი შემაჯამებელი ოქმის უნივერსიტეტის აკადემიური საბჭოსთვის დასამტკიცებლად გადაცემა.

მოისმინეს:

კომისიის თავმჯდომარის პროფესორ დიანა ძიძიგურის ინფორმაცია კომისიის მიერ კონკურსის ორივე ეტაპის შედეგების განხილვის საფუძველზე მიღებული გადაწყვეტილებებისა და კონკურსის შედეგების ურთიერთშეჯამების შესახებ.

კონკურსანტი ბუციკო ჩხარტიშვილი

კომისიის თავმჯდომარემ აღნიშნა, რომ კონკურსანტ ბუციკო ჩხარტიშვილის განათლება (კვალიფიკაცია ბიოლოგი, ბიოლოგიისა და ქიმიის მასწავლებელი), აკადემიური/სამეცნიერო

ხარისხი (ბიოლოგიის მეცნიერებათა კანდიდატი, ბიოლოგიის აკად. დოქტორი, დოცენტის სამეცნიერო-პედაგოგიური წოდება სპეციალობით ადამიანისა და ცხოველთა ფიზიოლოგია), სამსახურებრივი გამოცდილება (1970-1974წწ ივ. ბერიტაშვილის სახ. ფიზიოლოგიის ინსტიტუტი, თავის ტვინის ქერქისა და ქერქქვეშა სტრუქტურების შემსწავლელი ლაბორატორია, მეცნიერ-თანამშრომელი. 1974-1988წწ ექიმთა დახელოვნების ინსტიტუტი, კვლევის ცენტრი, მეცნიერ-თანამშრომელი; 1988-2006წწ თსუ, ბიოლოგიის ფაკულტეტი, ადამიანისა და ცხოველთა ფიზიოლოგიის კათედრა, დოცენტი; 2006-2016 წწ თსუ, ზუსტ და საბუნებისმეტყველო მეცნიერებათა ფაკულტეტი, ბიოლოგიის დეპარტამენტი, ასისტენტ-პროფესორი, 2019 წლიდან ბიოლოგიის დეპარტამენტის ადამიანისა და ცხოველთა ფიზიოლოგიის კათედრის ასოცირებული პროფესორი) და პედაგოგიური სტაჟი - (6 წელზე მეტი) შეესაბამება ვაკანსიის პროფილს და სრულად აკმაყოფილებს მოთხოვნებს. შესაბამისად კონკურსანტმა I კატეგორიის (ფორმალური კვალიფიკაციის შესაბამისობა ვაკანსიის პროფილთან) მიხედვით მიიღო შეფასება „კვალიფიკაცია აკმაყოფილებს მოთხოვნებს“.

II კატეგორია - პედაგოგიური გამოცდილების შესაბამისობა ვაკანსიის პროფილთან - აღნიშნა, რომ კონკურსანტის პედაგოგიური გამოცდილება (1988 წლიდან დღემდე თსუ-ში სხვადასხვა დროს ეკავა კათედრის დოცენტისა და ასისტენტ პროფესორისა და ასოცირებული პროფესორის თანამდებობები) და საერთო პედაგოგიური სტაჟი, სასწავლო-მეთოდური საქმიანობა - (1. მულტიდისციპლინარული სახელმძღვანელო „გარემო და ჯანმრთელობა“ 2. მულტიდისციპლინარული სახელმძღვანელო „სოციალური ეკოლოგია“ (რედაქტორი), 3. სასწავლო-მეთოდური სახელმძღვანელო „როგორ მოვემზადოთ ერთიანი ეროვნული გამოცდებისთვის“ (რედაქტორი), 2007წ. 4. ტვინის ღეროს ფიზიოლოგია (ნაბეჭდი), 2008წ. 5. ჰომეოსტაზი - www.e-learning.tsu.ge).

კვალიფიკაციის ასამაღლებელი კურსები, ტრენინგები (სწავლების ახალი მეთოდები - აშშ/სტუ), მის მიერ წაკითხული სასწავლო კურსები (11) ვაკანსიის პროფილის შესაბამისია და ბიოლოგიის დეპარტამენტის საბაკალავრო/სამაგისტრო პროგრამებისა და მედიცინის ფაკულტეტის კურიკულუმის სავალდებულო საგნების ნუსხაში შედის. წარმოდგენილი სილაბუსების შინაარსი და ფორმა სრულად შეესაბამება თსუ-ში დადგენილ მოთხოვნებს.

კომისიის გადაწყვეტილებით II კატეგორიის მიხედვით კონკურსანტმა მიიღო შეფასება „მაღალი“.

III კატეგორია-სამეცნიერო -კვლევითი საქმიანობა -კომისიის თავმჯდომარემ აღნიშნა, რომ კონკურსანტს წარმოდგენილი აქვს იმპაქტ-ფაქტორის მქონე სამეცნიერო ჟურნალებში გამოქვეყნებული 6 სამეცნიერო პუბლიკაცია, ბოლო 6 წლის მანძილზე იგი მოხსენებებით წარსდგა 11 საერთაშორისო სამეცნიერო კონფერენციაზე, მონაწილეობა მიიღო 2 საგრანტო პროექტის მუშაობაში. ბ. ჩხარტიშვილს აქვს უცხოეთის სამეცნიერო ცენტრებთან თანამშრომლობის გამოცდილება (ქ. პეჩის უნივერსიტეტი - უნგრეთი, ქ. მაგდებურგის (გერმანია) კვლევითი ცენტრი). სამეცნიერო კვლევების კონცეფციის სტრუქტურა და შინაარსი პროფილის შესაბამისია და სრულად აკმაყოფილებს მოთხოვნებს. შესაბამისად კონკურსანტის საერთო შეფასება III კატეგორიის ორივე ნაწილის მიხედვით არის „მაღალი“.

IV კატეგორია: სხვა სახის აქტივობა (ბოლო 6 წელი). აღნიშნულ კატეგორიაში წარმოდგენილი იყო ბოლო ექვსი წლის განმავლობაში კონკურსანტის მიერ განხორციელებული აქტივობები.

აღსანიშნავია, რომ იგი არის ადამიანისა და ცხოველთა ფიზიოლოგიის კათედრის მიერ ორგანიზებული ყოველწლიური სამეცნიერო კონფერენციის „ნეირობიოლოგიის აქტუალური საკითხები“ საორგანიზაციო კომიტეტის მუდმივი წევრი.

ხელმძღვანელობს ბიოლოგიის სექციებს საუნივერსიტეტო სკოლებში (თბილისის 53-ე საშუალო სკოლა, რუსთავის გიმნაზია და ევროპული სკოლა), ახდენს სამეცნიერო კონფერენციების

ორგანიზებას სკოლის მოსწავლეებისთვის თსუ ადამიანისა და ცხოველთა ფიზიოლოგიის კათედრასთან კოლაბორაციით. კონკურსანტი არის რამდენიმე სამეცნიერო ორგანიზაციის წევრი, მიღებული აქვს განათლების სამინისტროს მადლობის სიგელი.

2024 წელს ბუციკო ჩხარტიშვილს გადაეცა ივ. ჯავახიშვილის სახელობის თბილისის სახელმწიფო უნივერსიტეტის მედალი კათედრის საქმიანობაში გაწეული ღვაწლისთვის.

ბუციკო ჩხარტიშვილის საერთო შეფასება IV კატეგორიის ორივე ნაწილის მიხედვით არის „მაღალი“.

კონკურსანტის შეფასების პირველი ეტაპის დასრულების შემდეგ, დადგენილი პროცედურების დაცვით, შეფასების მეორე ეტაპი - გასაუბრება გაიმართა. გასაუბრება კითხვა-პასუხის რეჟიმში წარიმართა, კონკურსანტმა უპასუხა კომისიის წევრების მიერ დასმულ შეკითხვებს, გასაუბრების პროცესში გამოვლინდა პრეტენდენტის სამეცნიერო ინტერესები, ზოგადად დარგის განვითარებისა და სასწავლო პროცესის ორგანიზების მისეული ხედვა. გამოჩნდა უნივერსიტეტის სტრუქტურის, სასწავლო პროცესისა და საუნივერსიტეტო სტანდარტების ცოდნა. კონკურსანტის პიროვნული თვისებები. დადგინდა, რომ კონკურსანტი - ბუციკო ჩხარტიშვილის კანდიდატურა სრულ შესაბამისობაშია ადამიანისა და ცხოველთა ფიზიოლოგიის კათედრაზე არსებულ ასოცირებული პროფესორის ვაკანსიასთან.

შეფასების პირველი და მეორე ეტაპების შედეგების ურთიერთშეჯერების საფუძველზე კონკურსის გამარჯვებულის გამოვლენის მიზნით ჩატარდა ფარული კენჭისყრა, კენჭისყრაში მონაწილეობას იღებდა კომისიის 4 წევრი. კენჭისყრაში მონაწილეობას არ იღებდა პროფ. მაკა მურვანიძე. გამოცხადებულ ვაკანსიაზე ჩატარებული ფარული კენჭისყრის შედეგად კენჭისყრაში მონაწილე კომისიის ყველა წევრმა ერთხმად (4 მომხრე, არცერთი წინააღმდეგი) დაუჭირა მხარი ბიოლოგიის დოქტორ ბუციკო ჩხარტიშვილის კანდიდატურას. კონკურსის გამარჯვებულის გამოვლენის მიზნით ჩატარებული ფარული კენჭისყრის შედეგები ასეთია:

ბუციკო ჩხარტიშვილი - 4 მომხრე, არცერთი წინააღმდეგი.

საკონკურსო კომისიის მიერ მიღებული გადაწყვეტილება გამართლებულია ბიოლოგიის დეპარტამენტის ადამიანისა და ცხოველთა ფიზიოლოგიის კათედრის, როგორც სასწავლო-სამეცნიერო ერთეულის, ფუნქციონირებისა და შემდგომი განვითარების მიზნებითა და ამოცანებით; გადაწყვეტილების მიღებისას კომისია დაეყრდნო კონკურსანტის აკადემიური მოღვაწეობის, სასწავლო-მეთოდური მუშაობის, სამეცნიერო აქტივობისა და სასწავლო პროცესის წარმართვის გამოცდილების შესახებ არსებულ მონაცემებს, გაითვალისწინა მისი პიროვნული და პროფესიული თვისებები და უნარ-ჩვევები.

ერთხმად დაადგინეს:

ივანე ჯავახიშვილის სახელობის თბილისის სახელმწიფო უნივერსიტეტის ზუსტ და საბუნებისმეტყველო მეცნიერებათა ფაკულტეტის ბიოლოგიის დეპარტამენტზე, კათედრა - ადამიანისა და ცხოველთა ფიზიოლოგია - ასოცირებული პროფესორის ერთ ვაკანსიაზე გამოცხადებულ კონკურსში გამარჯვებულად გამოცხადდა ბიოლოგიის დოქტორი

ბუციკო ჩხარტიშვილი

2. კომისიამ იმსჯელა უნივერსიტეტის აკადემიური საბჭოს მიერ #118/2014 დადგენილებით დამტკიცებული აკადემიური პერსონალის სამსახურში მიღებისა და კონკურსის ჩატარების წესის შესახებ და ერთხმად დაადგინა - შემაჯამებელი ოქმი გამოქვეყნდეს საჯაროდ უნივერსიტეტის ვებ გვერდზე და დასამტკიცებლად გადაეცეს უნივერსიტეტის აკადემიურ საბჭოს.

კომისიის წევრების ხელმოწერა

თარიღი 24.07.2026

კომისიის თავმჯდომარე, პროფ.



/დ. ძიძიგური

კომისიის თავმჯდომარის მოადგილე, პროფ.



/ნ.დორეული/

კომისიის მდივანი, ასოც.პროფ.



/მ.გორდეზიანი/

კომისიის წევრი, პროფ.



/ნ.კოშორიძე/